

**Uunga siunnersuut: Kalaallit Nunaannut suliffissarsiortut killilersimaarnissaat pillugu
Inatsisartut inatsisaata allannguiteqartinneqarnera pillugu Inatsisartut inatsisaat nr. xx
yy 2015**

(Inuussutissarsiornermut, Suliffeqarnermut, Niuernermut Nunanullu Allanut
Naalakkersuisoq)

Saqqummiussissut

(Inuussutissarsiornermut, Suliffeqarnermut, Niuernermut Nunanullu Allanut
Naalakkersuisoq)

Siullermeerneqarnera

Suliffissanik ataqtigiissunik ataatsimuulersitsiniarluni aammalu Kalaallit Nunaanni
sulisitsisut avataaneersunik sulisussarsiulinnginnerminni suliffisanut nittartagaq atortassagaat
qulakkeerniarlugu siunnersuut saqqummiunneqarpoq.

Taamaaliornikkut Kalaallit Nunaanni suliffissat qulaajaavagineqassapput, aammalu
sulisussanik avataaneersunik tikisitsinissamik pisariaqartitsineq annikillisinneqassalluni.

Suliffisanut nittartagaq 2015-imi saqqummersinneqartussaq tunngavigalugu siunnersuut
saqqummiunneqarpoq. Inatsimmut allannguitissaq, suliffissarsiortut suliffisanut
nittartakkamik atuisalernissaannik siunnerfeqartoq Inatsisartut UPA2015-imi akueraat.

Suliffisanut ataatsimuulersitsiniarluni aammalu suliffissarsiortunut, sulisitsisunut aamma
kommuninut suliffisanut nittartakkamik pitsasumik atorneqarsinnaasumillu
pilersitsiniarluni, sulisitsisut avataaneersunik sulisussarsiornissartik sioqqullugu suliffisanut
nittartagaq atortassagaat, siunnersuutigineqarpoq.

Tamatuma suliffisanut nittartagaq aammalu suliffissanik pissaqarfiusut nukitorsassavai
kiisalu sulisussanik avataaneersunik tikisitsinissamik pisariaqartitsineq annikillisisallugu.

Suliffisanut nittartagaq pingaartumik suliffissarsiussisarfinnut sakkussaassaaq, taamaalilluni
taakkua atorfinnut inuttaqanngitsunut sulisussanik nunaqavissunik sunniuteqarluartumik
innersuussisinnaassallutik, tassami suliffisanut nittartakkami suliffeqanngitsut tamarmik
taakkualu piukkunnassuseqarneri, nunatsinni sumi najugaqarnersut apeqquaatinngagu,
tamakkiisumik takuneqarsinnaassapput.

Tamatuma kingunerisaanik assersuutigalugu sullissinerup, eqquiaanerup aamma
sassaalliisarnerup iluanni atorfippassuarnut sulisussanik innersuussisarneq pisariinnerulissaaq.
Atorfiit ullumikkut sulisussanik avataaneersunik tikisitsilluni inuttalersorneqartartut,
ullumikkullu qaqtiguinnaq nittartakanik akiliilluni sulisussarsiortarfinni
saqqummiunneqartartut. Nuna tamakkerlugu suliffisanut nittartagaq taamaasilluni
akileeeqqaarluni sulisussarsiortarfittut nittartakanut unammillertuussangilaq, kisiannili
ilassutaassalluni, maanimiunik amerlanerusunik suliffeqalersitsisussaq.

Allannguutissatut siunnersuummi sulisitsisut nuna tamakkerlugu suliffissanut nittartakkami atorfiit allagarsiissutigisassagaat pisussaaffiliisoqarpoq, peqatigisaanillu avataaneersunik sulisussarsiortoqarsinnaassalluni.

Taamatut oqaaseqarlunga siunnersuut Inatsisartuni suliassanngortippa.